

QVÆSTIONVM SVPER GENESIM

CXX. **G** post mortem Isaac patris sui Esau abscessisse de terra Chanaan & habitasse in monte Seir, cum veniente de Mesopotamia Iacob fratre eius, legatur quomodo illi habitabat. Proinde quid fieri poterit ut scriptura fallere vel falli non credatur, in promptu est cogitare, quod scilicet Esau posteaquam in Mesopotamiam fratrem eius abscessit, noluit habitare cum parentibus suis, siue ex illa commotione qua dolebat se benedictione fraudatum, siue aliqua causa vel uxorum suarum quas odiosas videbat esse parentibus, vel qualibet alia: & coeperit habitare in monte Seir. Deinde post reditum Iacob fratris sui facta inter eos concordia, reuersus est & ipse ad parentes, & cum mortuum patrem simul sepelissent, quia eos plurimum ditatos, terra illa sicut scriptum est minime capiebat, abscessit rursus in Seir, & ibi propagauit gentem Idumeorum. Quod scriptum est, Hi principes horrei filij Seir in terra Edom: secundum tempus quo vivebat, scriptor commemorat. Cum autem Seir habitaret qui istos genuit, nondum veniente in illam terram Esau, nondum utique appellabatur terra Edom. Non enim nomen nisi ab ipso Esau inditum est terre, quoniam idem ipse Esau & Edom vocabatur, de quo propagati sunt Idumei, hoc est ges Edom. Quod scriptum est, Et ij reges qui regnauerunt in Edom antequam regnaret rex in Israel: non sic accipiendum est tanquam omnes reges nominati sint usque ad ea tempora quibus coeperunt reges in Israel, quorum primus fuit Saul. Multi enim fuerunt in Edom usque ad tempora Saul, temporibus etiam iudicum, quorum tempora fuerunt ante reges: sed ex his multis eos solos potuit commemorare Moyses qui fuerunt antequam ipse moreretur. Nec mirum est quod numerantibus ab Abraham per Esau patrem gentis Edom, atque per Rahuelem filium Esau, & Zaram filium Rahuelis, & Iobab filium Zara, cui Iobab successit in regno Balach, qui primus in terra Edom rex fuisse commemoratur, usque ad vltimum regem quem potuit nominare Moyses, plures generationes inueniuntur quam numerentur ab Abraham per Iacob usque ad Moysen. Nam illic inueniuntur fere duodecim, hic autem usque ad Moysen ferme septem. Fieri enim potuit, ut ideo ibi plures nominarentur, quia citius moriendo plures alter alteri successerunt. Sic etiam contigit ut alium ordinem sedat Mattheus ab Abraham usque ad Ioseph quatuordecim cum dragintaduas generationes numeret. Lucas autem in ordine alio numerat generationes, non per Salomonem sicut ille, sed per Nathan, ab Abraham usque ad Ioseph quinquaginta quinque commemorat. In illo quippe ordine ubi plures nominantur, citius mortui sunt, quam ubi pauciores. Ne forte autem moueat aliquem quod inter reges Edom commemoratur Balach filius Beor, & de similitudine nominis existimet illum esse Balach qui restitit Moyfi ducenti populum Israel, sciat illum Balach Moabitam fuisse non Idumæum, eumque filium fuisse Sephor, non filium Beor. Sed fuisse etiam ibi tunc filium Beor Balaam non Balach, quem Balaam conduxerat idem Balach ad maledicendum populum Israel. Quomodo potuerit mors Isaac, decem & septem annorum inuenire Ioseph eius nepotem, sicut videtur tanquam ex ordine scriptura narrare, quocumque se quis conuertat inuenire difficile est. Nolo enim dicere, non posse inueniri, ne forte me fugiat quod alium non fugit. Si enim post mortem aui sui Isaac, decem & septem annorum fuit Ioseph, quando ergo fratres in Egypto venderent, proculdubio & pater eius Iacob decimo septimo anno filij sui Ioseph centum viginti annorum fuit, sicut scriptum est. Vixit ergo Isaac postea centum viginti annis, quia centesimo octogesimo mortuus est: idcirco dimisit filios centum viginti annos

habentes, & Ioseph decem & septem. Ioseph autem quoniam triginta annorum fuit, quando apparuit in conspectu Pharaonis, secuti sunt autem septem anni ubertatis & duo famis, donec ad eum pater cum fratribus venit, triginta nouem profecto annos agebat Ioseph quando Iacob intrauit in Egyptum. Tunc autem idem Iacob, quod ore suo Pharaoni dicit, centesimum & trigessimum annum agebat ætatis: centum autem & viginti Iacob, quando erat decem & septem Ioseph, quod verum esse nullo modo potest. Si enim decimo septimo anno vitæ Ioseph, Iacob centum viginti ageret, proculdubio trigesimo & nono anno Ioseph, non centum triginta, sed centum quadraginta & duos annos agere inueniretur Iacob. Si autem die mortis Isaac nondum erat annorum decem & septem Ioseph, sed aliquantulo tempore post mortem aui sui ad decimum septimum peruenerit annum, quo anno scriptura testante in Egyptum est à fratribus venditus, plurimum etiam quam centum quadraginta duorum annorum esse debuit pater eius, quando est filium in Egyptum consecutus. Scriptura quippe posteaquam narrat annum vitæ vltimum Isaac centesimum & octogessimum, ac eius mortem ac sepulturam, deinde commemorat quemadmodum digressus esset Esau à fratre suo de terra Chanaan in montem Seir, & contextu commemoratorem regum & principum gentis ipsius, in qua se constituit, vel quam propagauit Esau. Post hæc narrationem de Ioseph sic intulit. Habitabat autem Iacob in terra Chanaan, hæc autem procreaturæ Iacob. Ioseph autem decem & septem annorum erat paciscens cum fratribus oues, Deinde narratur causa somniorum: quemadmodum odiosus fratribus sit factus & venditus. Aut ergo eodem anno decimo septimo, aut etiam aliquanto maior venit in Egyptum, ac per hoc vitæ libet modo permanet quæstio. Si enim decem & septem annorum fuit post mortem aui sui, quando pater eius centum viginti fuit, profecto anno eius trigesimo & nono quando Iacob venit in Egyptum centum quadraginta duos annos idem Iacob agere debuit. Fuit autem tunc Iacob centum triginta, ac per hoc si decem & septem annorum Ioseph in Egyptum est venditus, ante duodecim annos quam moreretur auius eius, venditus inuenitur. Decem enim & septem annorum esse non potuit, nisi ante duodecim annos mortis Isaac centesimo & octauo anno vitæ patris sui Iacob. His enim cum adiecerimus viginti duos annos quibus Ioseph usque ad aduentum patris sui fuit in Egyptum, sicut ætatis anni Ioseph triginta nouem, & Iacob centum triginta, & nulla erit quæstio. Sed quoniam scriptura post mortem Isaac ista narrat, putatur Ioseph post eisdem aui sui mortem decem & septem annorum fuisse. Quapropter intelligamus de vita Isaac, tanquam multum decrepiti semis tacuisse scripturam, cum iam de Iacob & eius filijs loqueretur, viuo tamen Isaac decem & septem annorum esse coepit Ioseph. Quod dicit Iacob ad Ioseph, Quod est somnium hoc quod somnias? Numquid venientes veniemus ego & mater tua & fratres tui adorare te super terram? Nisi in aliquo mysterio dictum accipiatur, quomodo intelligitur de matre Ioseph quæ iam erat mortua. Unde nec in Aegypto cum sublimaretur putandum est hoc esse completum, quia nec pater eum adorauit quando ad eum venit in Aegypto, nec mater olim defuncta potuit. In Christo ergo persona facile intelligi potest etiam de mortuis, secundum illud quod dicit Apostolus, Quia donauit ei nomen quod est super omne nomen, ut in nomine Iesu omne genu flectatur, cælestium, terrestrium & infernorum. Quæritur quare Hirmaelitas scriptura quibus à fratribus venditus est Ioseph, etiam Madianitas vocet, cum Hirmael sit de Agar filius Abrahæ, Madianitas

Concordat Mattheus
Lucas.

CXXXII.

L

M

CXXXIII.
Gen. 37.

Philip. 2.

CXXXIII.